

Месяца марта в 1-й день

Преподобномучениц Анны и Матроны (Макандиных) Алексиевских

На велицей вечерни

На Господи, возвах: стихиры, глас 5.

Подобен: Радуйся:

**Рáдуйся, святáя обítеле Алексийéвская,/ нóвья заступницы на
Небесéх обрétши,/ яже вку́пе с преподóбным Алексíем, челове́ком
Бóжиим,/ мо́лят о нас Влады́ку Христа./ Тёмже, воспева́юще их святóе
торжество́,/ припадём к ним с верою и любовью,/ утешéния и мíлости
прося́ще.**

**Рáдуйтесь, преподóбныя Иулиание и Евпраксíе,/ обítели
Алексíевския начальницы,/ видяще ча́да ва́ша духо́вная
добродéтелями сияющия,/ сия бо страда́ний не убоя́вшася,/ пред
богобо́рцы Христа дерзнове́нно испове́даша,/ и, да́же до сме́рти ве́рны
Ему пребы́вша,/ мученических венце́в сподо́бишася.**

**Рáдуйся, святых жéн сослóвие,/ приёмших в небéсный лик две
сестре свой,/ преподобномученицы Анну и Матро́ну,/ яже, мíро
добродéтелей Жениху́ Христу́ принéсше/ и слезáми пока́яния стопы́
Его омы́вша,/ нетлénною красо́тою добродéтелей украси́шася./ Та́же,
моли́твою страда́ния превозмо́гше/ и горе́ сердца́ возвы́сивша,/
позна́ша ра́дость Креста́/ и яви́шася причáстницы Пасхи нетлénныя/ в
невечéрном дни Царствия Божия.**

**Радуйся, земле Владимирская,/ покровом Богоматере
осененная,/ издревле угодники святыми прославленная,/ в последняя
же лета новья мученицы в себе возрадившая,/ тыя бо, яко цветы
краснии,/ в тебе дивно прозябоша,/ украсивша всю землю Русскую.**

**Радуйтесь, преподобномученицы Анно и Матроно,/ веры
Православныя побóрницы,/ к Богу о нас тёплыя ходáтаицы,/ елеем**

чистоты́ исполненныя/ и кровью́ страдания́ ризы́ своя обогрившия,/ вы бо общницы́ мудрым девам бы́сте/ и в черто́зех свѣтлых вселі́стеся./ И ныне мо́лите о святе́й обители́ ва́шей/ и душамъ на́шим испросі́те ве́лию ми́лость.

Слава, глас 4:

Всевы́шний Влады́ко,/ в Тро́ице сла́вимый и покланя́емый,/ уще́дри ны благоприя́тными мо́льба́ми новых мученицъ Твоихъ,/ пред мучи́тели дерзнове́нно испове́давшихъ Тя,/ Еди́наго і́стиннаго Бо́га,/ и Твое, Сыне́ Божий,/ неизрече́нное от Матере́ Девы́ спаси́тельное воплоще́ние.

И ныне, Богородичен: Иже Тебе ради:

Вход. Прокимен дне. И чтения три мученическая.

На литии стихиры, глас 4:

Добро́тою благоче́стия/ украси́вша себѣ́, мученицы́ святыя,/ в ризу́ спасе́ния оде́ястеся/ и, страдания́ похвалою́ увенча́вшася,/ в селѣ́ния Небе́сная вселі́стеся,/ идеже ныне мо́литеся о святе́й обители́ ва́шей/ и о почита́ющихъ васъ любовью́.

Слава, глас тойже:

Слезы́ по́стническія и ми́ро крове́й/ мно́гою веро́ю и любовью́ Христу́ принесли есте,/ преподо́бномученицы́ всечестны́я,/ и ныне дерзнове́ние і́мате/ мо́литися об оставле́нии греховъ на́ших,/ прося́ще намъ вели́я милости́.

И ныне, Богородичен:

Жезлъ силы́ стяжа́вша,/ Крѣстъ Сына́ Твоего́, Богоро́дице,/ темъ побежда́емъ врага́ собла́зны,/ любовь́ю Тя непреста́нно велича́юще.

На стиховне стихиры, глас 8:

Агницы́ словѣ́сныя,/ на па́жити Христовой упасше́ся/ и Господу́ Пастыренача́льнику́ верность сохрани́вша,/ любóвию к Нему́ уязви́стеся/ и, яко́ жертвы́ прия́тныя, Бо́гу принесóстеся./ Его́же мо́лите, страсотѣрпицы́ всехва́льныя,/ во еже спасти́ся намъ.

Стих: Дивен Бог во святых Своих,/ Бог Израилев.

Приидите, лю́дие,/ восхва́лим Господа на месте сем,/ идеже преподобныя сёстры на́ша Анна и Матрона/ посреде́ сонма новомучеников Бу́товских просия́ша,/ разгоня́юще мрак но́щный, а́ки лучами солнечными./ Тех молитвами, Христе Боже,/ спаси души наша.

Стих: Приведутся Царю девы/ в веселии и радовании.

Преподобныя Анно и Матроно,/ земли́ нашаея заступни́цы,/ вы жити́ем многотрудным Господа просла́вившыя/ и разум духовный стяжа́вшыя,/ Жениху Христу Богу соедини́тесея/ и, венцы победныя от Него прии́мшея,/ в черто́зах Небе́сных всели́тесея,/ иде́же в ра́дости хвалу́ непреста́нно воспева́ете.

Слава, глас 4:

Девство свое соблю́дше/ и благоче́стия свет в се́рдцы своём возже́гше,/ яко свети́льницы лучеза́рнии яви́тесея,/ преподобномученицы славныя,/ и мудрость свы́ше восприе́мшея,/ мученически за Христа пострадали есте./ Те́мже вас ублажа́ем, заступни́цы наша,/ любовью память вашу соверша́юще.

И ныне, Богородичен: Призри на моления:

Тропарь, глас 5:

Христа Господа Иисуса верныя учени́цы,/ Церкви Русския избра́нныя агницы,/ обители Алексе́евския славо и украше-ние,/ преподобныя стратотерпицы Анно и Матроно,/ лёгкое иго и язвы Его любовью нося́ще,/ ле́ствицею мучений к Нему, яко Небе́сному Жениху, востекли́ есте,/ Его́же моли́те сохра́нити в благоче́стии люди земли Ру́сския/ и спасти́ души наша.

На утрени

По 1-м стихословии седален, глас 4:

Господи, пра́ведныя любя́й и грешныя ми́луй, помилуй ны, па́дшия во глубину мно́жества прегреше́ний, предста́тельством святых

преподобномучениц Анны и Матроны, праведное житие свое страданием запечатлѣвших.

Слава, и ныне, Богородичен, глас тойже:

Под кров Твой, Пречистая Дево, прибегаем, приими молитвы наша и, не престай молящи Человеколюбца, спасти души наша.

По 2-м стихословии седален, глас 4:

Богатством тленным пренебрегше, мирскую красоту, преподобныя, оставите и, воздержанием житие свое украсивша, напасти вражия победите и светильницы миру разумнии явитесь. Молитесь, блаженные, помилвати души наша.

Слава, и ныне, Богородичен, глас тойже:

Пресвятая Дево, предвари и избави нас от враг видимых и невидимых, и всякаго прещения, Ты бо еси наша Заступница.

Величание:

Величаем вас,/ страсотерпицы преподобныя матери Анно и Матроно,/ и чтим честная страдания ваша,/ яже за Христа претерпели есте.

Псалом избранный: Бог нам Прибежище и Сила:

Седален, глас 4:

Души ваша кротостию украсивша и тела язвами мучения удобривша, Краснейшему добротою, паче сынов человеческих, предстали есте, преподобномученицы честныя, за Русь многострадальную молящися.

Слава, и ныне, Богородичен:

От Анны праведныя процветши, Дево, родила еси Царя Христа и радость роду человеческому даровала еси. Сего ради рождеству Твоему срадуются благочестивых жен сословие земли нашея, козни гонителей славно препобедивших.

Степенна, 1-й антифон, 4-го гласа. Прокимен, глас 4: Проидохом сквозе огонь и воду,/ и извел еси ны в покой. Стих: Разжегл ны еси,

якоже разжизаётся сребро́. Всякое дыхание: **Евангелие от Матфея, зачало 104.**

По 50-м псалме стихира, глас 6:

Днесь невесты Христовы,/ страсотерпицы Анна и Матрона славныя,/ крове́и мученическими украше́нныя,/ яко голуби́цы кроткия,/ криле́ поста и молитвы иму́щия,/ в чертог Небеснаго Жениха возлетёвша,/ с лики святых новомучеников Церкви Русския/ Престолу Божию предстоя́т/ и славят Преве́чнаго Бога.

Канон, глас 8

Песнь 1

Ирмос: *Поим Господеви,/ проведшему люди Своя сквозе Черное море,/ яко Един славно прославися.*

Припев: **С**вяты́я преподобномученицы Анно и Матроно, моли́те Бога о нас.

При́имите пение, Анно и Матроно благосла́вныя, от почитающих любовию постническа́я и му́ченическа́я подвиги ваша.

От юности ко Христу любóвию пламенёвша, во обитель Алексіевскую притекли́ есте, да Единому Богу порабо́таете.

Преподобныя Анно и Матроно, иму́ще сердца́, моли́твою и слеза́ми очищённая, подвиг му́ченический смиренно при́ясте.

Богородичен: Тебе Предстательницу иму́ще, Пречистая, славныя жены́, постом и страданием змиеву державу сокруши́вша, славу Небесную обрето́ша.

Песнь 3

Ирмос: *Ты еси утверждение/ притекающих к Тебе, Господи,/ Ты еси Свет омраченных,/ и поет Тя дух мой.*

Во Оте́честве земнём, безбо́жием помрачённом, чу́жды яви́стеся, преподобному́ченицы славныя, оба́че к защитнику обители вашей, Алексію, человеку Божию, тёпле молитвы возноси́ли есте́, да сподо́бит Господь Небесных обителей дости́гнути.

Доблественне Бóгови порабóтавша, плóти ваша со страстьми́ и похотми́ распяли есте́, преподобномученцы святыя́, и ду́ши ва́ша любве́ ради Христовы не пощади́ли есте́.

Страданьми и исповеданием Христа, святыя преподобномученицы, в селения Небесная внидите, темже сохраняйте Русь Святую, Отечество ваше земное, в мире и единомыслии.

Богородичен: Тебе, Богородительнице, предстоят честныя жены, пощением крепко подвизавшыяся и мужественне врага низложившыя.

Седален, глас 2:

Новыя страсотерпицы земли Русския, мученически поприще земное скончавшыя и страданьми дерзновение ко Господу стяжавшыя, моли́тесь Ему, вас Укрепльшему, да и мы, егда найдет на ны час испытания, мужества дар Божий восприимем.

Слава, и ныне, Богородичен, глас 4:

Пресвятая Дево, оградí и избáви нас от враг вíдимых и невíдимых, и от всякаго зла, Ты бо еси наша Защитница.

Песнь 4

Ирмос: *Услышах, Господи,/ смотрения Твоего таинство,/ разумех дела Твоя/ и прославих Твое Божество.*

Алекси́ю, человеку Божию, подражавша, мира и плоти мудрования отвергостеся и, в добродетелех Христовых поучающыяся, обитель вашу дивно украсисте и, яко крини благоуханныи, в ней процветосте.

Препобедивша постом страсти плотския, мучения стезю мужественне прошли есте́ и в Небесных селениях водворилися есте́, богоблаженные.

Божественную благодать приимша, преподобномученицы Анно и Матроно, и страх смертный препобедивша, любовь к Богу даже до смерти сохранили есте́.

Богородичен: Богомати Пречистая, Господь от Тебе неизреченно плоть прият, сего ради жен естество, иногда под клятвою бывшее, ныне возвеличися.

Песнь 5

Ирмос: *Утренююще, вопием Ти:/ Господи, спаси ны,/ Ты бо еси Бог наш,/ разве Тебе иного, не вемы.*

От юности Сладчайшему Жениху Христу обручившись, молитвою к Нему горечь страдания усладжали есте, и нас научите имя Христово умом и сердцем присно призывати.

Егда враг рода человека воздвиже во Отечестве нашем гонение лютое от безбожников, тогда вы, святые страсотерпицы, явившая мужество неборимое, оружием Креста Господня победу восприяли есте.

Всю надежду на Господа возложившая, силою Духа Святаго врага низложили есте, в немощи бо вашей сила Божия совершися. И ныне молитесь за ны, да не прикоснется нас злоба греховная.

Богородичен: Тебе, Богородительнице, предстоят честныя жены, доблественне Богу поработавшыя и крестом мучения врага низложившыя.

Песнь 6

Ирмос: *Ризу мне подаждь светлу,/ одейся светом, яко ризою,/ Многомилостиве, Христе Боже наш.*

Обители и службы церковныя лишившись, сердца своя храмы Бога Живаго соделали есте и, благодатию Божиею укрепляемы, присно хвалу Господу воспевали есте.

Евангелия исповедницы и Православия ревнительницы, невесты чистыя Христу Богу и украшение земли нашея являетесь, страсотерпицы славныя.

Пучину кровных страданий прошедшая, святые преподобномученицы Анно и Матроно, Господа не отвергостесь,

оба́че, изгна́ния и бе́дствия му́жественне претерпева́ющая, непобежде́ны пребы́сте.

Богородичен: **Же́ны**, постом и страда́нием Господу угоди́вшыя, егда́ благоче́стие поноше́нию предаде́ся в стране нашей, ныне непреста́нно мо́лятся Сыну Твоему, Пречистая, да утверди́тся Церковь Русская.

Кондак, глас 4:

Яко крѣ́ни багряновѣ́днии,/ посреде́ те́рний безбо́жия/ в земне́м Оте́честве вашем процвѣ́ли есте́,/ преподобномученицы Анно и Матроно честны́я,/ по́двиги воздержания страда́нием украси́вшыя,/ востекли́ есте́ к Небе́сному Жениху́ Христу,/ Иже увенча́ вы красотой славы нетле́нныя.

Икос:

Ка́ко воспоём вы, Церкви Русския и обители Алексѣевския похвалу́, достоблаже́нныя преподобномученицы Анно и Матроно, от ю́ности житѣ́йская попече́ния отрѣ́нувшыя и благо́ую часть и единое на потре́бу избравшыя, преподо́бие зако́нным муче́нием запечатлевшыя и сего ради сподо́бльшыяся хранити и испо́лнити слово Христа Бога нашего, Иже увенча́ вы красотой славы нетле́нныя.

Песнь 7

Ирмос: *Отроцы еврейстии в пещи/ попраша пламень дерзновенно/ и на росу огонь преложиша, вопиюще:/ благословен еси, Господи Боже, во веки.*

Горькое изгнание в край северный претерпели есте, преподобныя Анно и Матроно, на всяком месте и на всякий час хвалу Богу возсылающа.

Радуйся, краю́ Архангелогоро́дский в послѣ́дняя лѣ́та мно́гия мученики и исповѣ́дники приѣ́мый, ти́и бо, изгна́ние претерпева́юще, по́двиги сво́ими, яко со́лнце, в тебе просия́ша, те́плыми моли́твами и слеза́ми покая́ния умягча́юще твое суровство́.

Все упование на Господа возложили есте, святые преподобномученицы Анно и Матроно, всецело в руке Его себе предающая, и в страданиях встретивши Христа, в истинную от Вышних благодати одежду облекостесь.

Богородичен: Яко Бога рождшую плотию, Пречистая, нравом благочестным чтим Тя непрестанно, вкупе с честными женами, постом просиявшими и страданиями своими врага низложившими.

Песнь 8

Ирмос: *Седмерицею пещь/ халдейский мучитель/ богочестивым неистовно разжже,/ силою же лучшею спасены, сия видеи,/ Творцу и Избавителю вопиаше:/ отроцы, благословите,/ священницы, воспойте,/ людие, превозносите во вся веки.*

Во дни гонения безбожного, яко фимиам благовонный, принесете Господу молитвы и подвиги ваша, преподобномученицы славныя, ныне же на месте страданий ваших Безкровная Жертва Богу приносится и торжествует Церковь земная и Небесная.

Во тьме греховней, землю нашу постигшей, исповеданием Христа возсияли есте, святые преподобномученицы Анно и Матроно, темже молим вас, просветите нас светом благодати Божия.

Егда благочестие во Отечестве нашем оскуде, тогда попусти Господь гонение лютое и потеклоша реки крове христианския. Молите убо о нас, святые новомученицы, да пребудем верни Христу Спасителю нашему до скончания века.

Богородичен: С новомученики и исповедники Церкви Русския, Пречистая, и всеми святыми женами умоли Единого во святых Почивающего сохранить землю нашу, славословящую Тя во вся веки.

Песнь 9

Ирмос: *Ужасеся о сем Небо,/ и земли удивишася концы,/ яко Бог явися человеком плотию/ и чрево Твое бысть пространнейшее*

Небес./ Тем Тя, Богородицу,/ Ангелов и человек чиновачалия величают.

В послушание облékшаяся, воняями добродетелей обитель Алексíевскую облагоухáли естé, тём воспеваем святу́ю память вашу, невесты Христовы прекрасныя. Молíte о нас Христа Человеколю́бца, да омы́ет мíром благодáти дýши нáша и усладíт я росóю любвé.

Узы Христовы восприёмша, даже до смёрти за Господом последовали естé, новомученицы славныя, гонителей лю́тых не убо́явшися. Молíte ўбо Влады́ку Христа о спасении душ наших.

Чашу страданий на земли испívшая, радость véлию на Небесéх прияли естé, идéже ныне ликовству́ете в Невечёрнем дни Цáрствия Божия.

Богородичен: Тебе, Всепétую Владычицу, яко Всецарицу, Христу Царю предстоящую, вкупе с преподобномученицами Анною и Матроною достойно величаем.

Светилен:

Светлеётся днесь Церковь Русская пóдвиги вашими, святы́я новомученицы, и славит Христа, Солнце Правды, от Девы Возсия́вшаго. Мы же со умилéнием вопиём: моли́твами преподобномучениц Анны и Матроны просвети́ ны, Господи, во тьме грехóвней сýщия.

Слава, и ныне, Богородичен:

Не престáй, Дево Богородице, моли́ти о нас Сына Твоего, Человеколю́бца Бога нашего, на Тя бо надежду возлагаем и Твоим предстáтельством избавля́емся от бед, и страстей, и прегрешéний, и болезней.

На хвалитех стихиры, глас 8.

Подобен: О, преславнаго чудесе:

О, преславнаго чудесé!/
В последняя времена́ возсия́ют мученицы/
и мрак прéлести отгоня́ют/
и нечестие низлага́ют,
вера же

христианская утверждается/ и вернии радости исполняются,/ праздник же новоявленными составляют,/ вопиюще Христу Богу:/ Ты еси мучеников похвала и победа.

О, преславнаго чудесе!/ Сестры́ единокровныя по плоти́ суща,/ сестры́ духовныя пребыша/ и, во едину обитель иноческую водворившися,/ единомысленне Господу послужиша/ и за Христа кровь купно пролияша./ Темже и нас научают/ в любви и единомыслии пребывати/ и Господа всем сердцем прославляти.

О, преславнаго чудесе!/ Жены́ немощныя суща,/ крепость мужескую являют/ и, щитом веры и крестом вооружившися,/ сопротивным силам непобедими бывають/ и демонская ополчения побеждают./ Ныне же, яко божественнии вои,/ со Ангелы на Небесех ликуют,/ и верныя молитвами своими заступают.

О, преславнаго чудесе!/ Стратотерпицы славныя Анна и Матрона,/ яко вдовица две лепте,/ все житие свое в сокровищницу Церкви Русския ввергоша,/ воздержание и страдание,/ молитву и чистоту душевную/ в дар Христу принесша./ Ныне же, яко мудрыя девы,/ в чертозе Небеснем пребывают.

Слава, глас тойже:

Приидите, мучениколюбцы,/ приидите, составим лик,/ торжествующе и Бога прославляюще/ в праздник преподобномучениц Анны и Матроны,/ сия бо скорби не уклонишася,/ ниже темницы убоишася,/ гланием и хладом измождаемыя/ и многовидными муками умерщвляемыя,/ яко агницы незлобивыя, смерть прияша./ И ныне в радости святых/ молят Троицаго Бога о земном Отечестве своем.

И ныне, Богородичен, глас 8.

Подобен: О, преславнаго чудесе:

О, преславнаго чудесе!/ Небесе и земли Царица,/ от святых сродников наших умоляемая,/ до ныне землю Русскую покрывает/ и лика Своего изображении милостивно обогащает./ О, Владычице

Державная!/ Не престани и на будущее время/ во утверждение на Руси Православия/ милости и чудеса изливати до века. Аминь.

На Литургии

Блаженна от канона песнь 3-я и 6-я. Прокимен, глас 4: Дивен Бог во святых Своих,/ Бог Израилев. Стих: В церквах благословите Бога, Господа от источник Израилевых. Апостол к Коринфяном, зачало 181. Аллилуиа, глас 4: Возваша праведнии, и Господь услыша их, и от всех скорбей их избави их. Стих: Многи скорби праведным, и от всех их избавит я Господь. Евангелие от Луки, зачало 33. Причастен: Радуйтеся, праведнии, о Господе, правым подобает похвала.

Молитва

О, всехвальныя преподобномученицы Анно и Матроно, краткия Христовы агницы, обители Алексиевския цветы благоуханныи! Сестры единокровныя по плоти суща, сестры духовныя бысте, во едину же обитель иноческую притекша, любовь Христу последовасте и, благое его заповедей Его терпеливо подымша, язвы же Его преподобно носяща, во дни гонений на Церковь Русскую мужественно во исповедании Православныя веры пребысте и, житие монашеское подвигом мученичества увенчавша, в чертог Небеснаго Жениха водвористесь.

Темже молим вас, мученицы славныя: испросите у Всещедраго Бога Церкви нашей в мире и единомыслии пребывати, земному Отечеству вашему во благоденствии сохранитися; женам, подвиг иночества восприимшим, в добродетелех монашеских добре подвизатися.

Молитесь о святей обители Алексиевстей и о всех с верою и любовью к вам притекающих. Научите ны, святыя преподобномученицы, во смирении и любви неленостно Господу служити, духом горяще, в молитве пребывати и за вся Творца благодарити. Испросите нам время на покаяние и твердость во

исповѣдании Православныя веры, да моли́твами вашими сподо́бимся
прославля́ти Имя Пресвятыя Троицы, Отца и Сына и Святаго Духа, во
веки веков. **Аминь.**